



Jacobi Alvarez de Paz Opera

De Vita Spirituali, Eivsqve Perfectione - Libri quinque

Álvarez de Paz, Jacobo

Lvgdvni, 1611

De Discrimine vitæ naturalis, & spiritualis. Cap. ij.

[urn:nbn:de:hbz:466:1-77833](#)

Ambro.
ibidem.

vestra, tunc & vos apparebitis cum ipso in gloria. Vita nostra Christus est (ait Ambrosius) quia legimus in actis Apostolorum : Hunc esse vitæ auctore. Sic ille. Est ergo gratia, vita spiritualis animæ, sine qua, licet naturaliter viuat, se ipsa, (est enim secundum suam naturam vita corporis, quæ numquam interit, licet à corpore separetur) tamen Deo mortua est, ac cælestibus gaudiis defuncta, quia gratiam amittens Dei inimica, & iatis ad regnum cælestis ex-pers constituitur.

*De discrimine vitæ naturalis, &
spiritualis.*

C A P V T II.

Hæc autem spiritualis vita, in multis est naturali vita similis, in aliis autem valde dissimilis. Est quidem similis, nam sicut vita naturalis dat corpori, ut sit, & viuat secundum naturam, ita vita gratiae dat animæ, ut sit, & viuat supra naturam. Illa corpus limitat, & ad propriam (ut aiunt) speciem cuiusdam viuentis restrinquit, hæc animam circumscribit, ne diuina manda transiliat, & à debita fide sponsæ deflectat. Illa corpus venustat, & motum, ac vires subministrat, hæc affectus in res diuinæ, & gressus tribuit, ut contendamus in cœlum, & intus spiritum nostrum exornat. Illa radix est facultatum, quibus operamur, ut intelligentia, qua cognoscimus, & voluntas, qua volumus. Hæc origo virtutum, ut humilitas, qua nos ipsos deicimus, paupertatis, qua diuitias mundi contemnimus, charitatis, qua Deum proximumque diligimus. Illa est principium operationum vitalium, nam ministeria facultatum siarum videt in oculo, audit in aere, & irascitur in corde; hæc est meritorum initium, quia virtutum ab ea manantia præsidio perficit iniurias, ministrat infirmis, & desideriis se infert cælestibus choris. Illa denique, deficiente debita sanitatem, & humorum temperie, à membrorum necessaria integritate discedit. Hæc, si absit fidelitas, qua Dei mandata obseruare debemus, etiæ amittitur. Vnde Bernardus. Tepeſci-mus processu temporis à feruore conuertionis nostre, paulatim restigescit charitas, abundat iniquitas, ut consummetur carne, qui spiritu cœperamus. Inde enim est, ut minus ea sciamus, quæ à Deo donata sunt nobis, indeutoti pariter, & ingrat. Timor Domini relinquimus, religiosam omittimus solitudinem, verbosi, curiosi facti, etiæ detractores, & murmuratores, vacantes nugis, fugitantes labores disciplinæ, quoties sine nota id licet, quasi verò confessim sit etiam sine noxa. Quid ergo tantis repulsam obstaculis gratiam nobis deesse miramus? Si ergo tanta sollicitudine seruamus vitam mortalem, post non multos annos siquem habituram, quanta sollicitudine custodiare deberemus gratiae vitam, si volamus, per totam eternitatem duraturam? Si tam eximio amore complectimur vitam certè non admidum pretiosam, nisi quatenus vita spirituali subferuit, quanto maiori amore amplectenda esset ipsa spiritualis vita, cuius gratia naturalis diligitur? Spiritualis, inquam, vita, quæ iure vniuersis rebus naturalibus imperat? Si opes, si delicias, si honorem ipsum contemnimus, ne vitam carnalem, & in multis rebus, nobis, bestiisque communem amittamus: (nam pellem pro pelle, & cuncta, quæ habet homo, dabit pro anima sua,) quid non contem-

Bern.de
Annun-
tia. Domi-
ni form. 3.

Tab. 2. 5.

A dendum esset, ne spiritualem vitam nobis, & cælestibus spiritibus propriam cum discrimine æternæ vitæ perdamus? Illam, si forte ægritudine gravi impugnetur, molestissimis remedii suffultis, & ista peccatis, ac tentationibus impeditam, oratione, & occasione fuga, & sanctis exercitationibus sustentare grauaris? O cæcitas, ô absurditas, ô stultitia amatissimis lacrymis deploranda! Si ergo vtriusque vite par est periculum, si incurriendi mortem corporis, & animæ æquum instat discrimen, & aqua saltem vtriusque seruanda te cura sollicitet. Quamvis maximæ imprudenter sit, non maiorem curam seruandæ vite anima dare, quam vita corporis custodienda adhibere. Si enim vir prudens, & diligens, maiori diligentia custodiuit aurum, quæ plumbum, aut rem aliam minus pretiosam, maiori sollicitudine & cura diligenda & custodienda est vita animæ, quoniam omne aurum in comparatione illius, arena est exigua, & tamquam lurum aestimabitur argentum in conspectu illius.] Vita vero corporis lutum est, seu vapor ad modicum parens, & deinceps exterminabitur.] Hic itaque sit similitudinis fractus, quam inter vitam naturalem, & spiritualem alpeXimus, ut pretiosiorum impensis amemus, & diligenter meliorem custodiamus.

In his, quæ diximus, vita naturalis & spiritualis sunt similes, in aliis autem est inter illas difficultudo non parua. Vita namque naturalis ex debito naturæ datur, vita gratiae dono Dei ac beneficio conceditur. Illa inter limites naturæ se continet, hæc supernaturalis est, & ad ordinem diuinum spectat. Illa facit nos humanos, & terrestres, hæc reddit cælestes, & diuinos. Primus enim homo Adam, qui vitam naturæ nobis impedit, de terra terrenus est, secundus homo Christus, qui gratia vitam communicat, de celo cœlestis.] Vnde, sicut ab illo portamus imaginem terreni, ita & ab isto portamus imaginem cœlestis. Illa actibus propriis non crescit, nec, si sensuum operationes multiplices, aut perfectior in se, aut diuturnior erudit: hæc actiones virtutum augentur, & maior ac perfectior efficiuntur. O quantum homines viderent, & audirent, si vitam corporis possent dilatare, videendo, & tamen non curant sanctis operibus inherere, cum tamen illis possint vitam animæ propagare. Illa licet summa diligentia protrahatur, semper quotidiani, immo momentaneis diminutionibus exhaustur, & breuior, ac contractior efficitur. Hæc cura diuinorum mandatorum propagatur, & ut semper maneat, usque ad perfectionem producitur. Iustorum enim semita, id est, vita quæsi lux splendens, procedit, & crescit usque ad perfectam diem.] In iustorum namque animis (ait Gregorius) bonum desiderium, atque intellectus lucis intimæ, iam pars dei est, sed usque ad finem vite in virtute proficiunt, ad perfectum diem tunc venient, quando ad regna cœlestia perduicti, in ea luce, quam desiderant, iam minus aliquid non habebunt.] Illa mors quedam est: Nam quæ mors amarior illa vita, quæ semper deficit, continuo tabescit, & ad non esse tendit, & mille nos calamitatibus ferit, mille animas nostras periculis impedit. Denique (inquit Augustinus) quis numerare poterit præsentis vite molestias? Esurire, sitiare, algere, calere, lassari, & innumerabilia ex ipsa consuetudine nobis domestica sunt; tamen initium dolorum hæc. Sed ut alius revoluamus, quæ intra nos sunt, cupere, amare, odire, fornicari, adulterari, occidere, vel occidi, rapere, & furari, nonne inimicæ passiones nobis sunt? Tamen

Sapien. 7
9.
Jacob. 4.
14.1. Corint.
15. 47.Proa. 4.
18.Greg. ho.
5 in Eze
chiel.Aug. de vi
site. infirm.
c. 6. tom.
9.

quis immunis, quis liber est ab his omnibus:] Vita ergo, quæ nos tantis miseriis subicit, & non propterando tantum, sed volando, ad mortem tendit, dicatur mors. At hæc vita gratia, vera vita est, quæ si per nos non stat, semper crescit, semper durat, & initio est vita numquam peritura, quæ nos ad bonas actiones vocat, ad virtutem allicit, ad diuinam familiaritatem instigat, ad quærendas veras dignitatis, & sempiternos thesauros invitat. Cuius causa vita naturalis amanda est, quod si eam aut defruat, aut extenuet, fugienda. Ideo enim martyres, non quidem imprudenter, sed sapienter, vitam corporis profuderunt, & terribiles passiones sustinuerunt, ne gratia vitam dilapidarent. Ideo perfecti viri prius sunt mori, quam ex professo leue peccatum admittere, ne gratiam offendant, & aliqua macula inficiant. Ideo Susanna ab impiis illis sensibus ad peccatum incitata, & non sine interminatione ingentis infamie, ita respondit. Angustiae sunt mihi vnde vndique, si enim hoc ego, mors mihi est, si autem non ego, non effugiam manus vestras. Sed melius est mihi incidere in manus vestras, quam peccare in conspectu Domini,] ut mortem anima effugeret, & vitam gratia conseruaret, nec corporis mortem, neque infamiam, ipsa morte terribiliorem, exhorruit.

Hanc vitam utique veram, & super omnes dignitas amabilem, illi morti vitali præferamus, & omnibus votis conseruare, & promouere cupiamus. Non solum autem cupiamus, sed humiliter de rebus nostris sentientes, & nobis ipsis diffidentes, diuino auxilio fulti ac sanctis operibus, conseruamus. Sola namque desideria vita gratia custodiare non possunt, nisi bona opera desiderii accedant. Optimè enim dixit Ephraim: noui permotus optare, se gratia filios esse, sed quid illis profest velle, nisi accedant & facta? Multi etiam per fidem gratia filii sunt appellati, sed non multi, propter negligientiam, illa potentur. Non omnes postquam viri euaserint, suas matres reveretur, itidemque gratia, licet multis enutriat, a paucis tamè honoratur. Parendi dolores, laborisque educationis, non omnes intelliguntur & pauci sunt inter nos qui bene ad gratia sunt munus affecti.] Diuinus itaque favor ad hanc vitam & tenendam & augendam sic nobis aderit, si gratiam vt matrem reuereamur, vt principium nostra salutis in magno pretio labeamus, & si eam non segnem, & otiosam, sed bonis operibus insudante habere curgimus.

Vita tandem naturalis (vt postremum discriben subiiciamus) an corpore insit, certissime nobis constat. Quis enim viuens non experitur se vivere? Certè, qui de hoc dubitat, infans est, nam ipsa sua dubitatio, quæ actio vita est, signum est evidens, quoniam ille qui dubitat, viuet, nam si non viueret, dubitare non posset. Et, si (vt dicit Philosophus) aperta negate, imprudentia est, de vita aliquicun viuentis dubitare, quam tot signa, tot motus, tot actiones demonstrant, magna stultitia est. Vita autem gratia, an animæ insit, non est similiter nobis compertum. Licet enim possimus, gratiam in nobis esse, nonnullis conjecturis aduertere, non tamen, aut scientia evidenta, aut fidei diuinæ certitudine agnoscerre. Id quidem scientia non asequitur, quæ rem, aut per causam, aut per effectus venatur, causa autem vite gratia, diuina voluntas est, ad quam cognoscendam nulla ratio naturalis ascendit. Quis enim cognovit sensum Domini, aut quis consiliarius eius fuit?] Quasi diceret Paulus, neminem hanc

A) voluntatem posse cognoscere, nisi Deus ipse illi sensa sua mentis aperiat. Effectus vero gratia adeò occulti sunt, & absconditi, vt eos neque sensus percipiat, nec cogitatio apprehendat, nec ipse intellectus, an à gratia manet, quæ nos Deo gratos facit, certò cognoscat. Neque fides diuina ad credendum nos gratiam & amicitiam Dei habere, citra specialem reuelationem mouet. Quoniam licet fides asserat, hominem, verbi gratia, vere, & vt necessarium est, detectantem peccatum, diuinam gratiam adipisci, tamen opinio, & moralis existimatio falsitati ac deceptioni subiecta profitetur, me, aut alium quempiam hanc peccati sufficientem detestationem promeruisse. Ex hac autem opinione, non elicitor certa nostræ gratia cognitione: sed probabilis, ac verisimilis quædam existimatio. Merito ergo Tridentina synodus anathema dici hæreticis, asserentibus nos (diuina, ac speciali reuelatione seclusa) certò, & ex fide, credere, gratia vitæ & Dei amicitiam accepisse. Quam sanctorum patrum verissimam, certissimamque sententiam, certè Scriptura diuina non filuit. Salomon enim in Proverbiis, ait. Qui potest dicere, Mundum est cor meum, purus sum à peccato? Ac si dixisset, nullus id potest dicere, & sine illa hæstinatione affirmare. Quam sententiam evoluens venerabilis Beda, in hunc modum scribit. Non (ait) quis potest mundum habere, & purus esse à peccato? Sed quis potest dicere (inquit) mundum est cor meum, purus sum à peccato? Quia sunt, qui largiente diuina gratia possunt, iuxta humanum modum, & cordis & operis munditiam habere. Vnde C) est illud Dominicum. Beati mundo corde.] Nec tamen se ipsum quisquam mundum credit corde, & immunem esse à peccato absque temeritate pronunciet.] Et idem Salomon alio loco, ait. Sunt iusti atque sapientes, & opera eorum in manu Dei, & tamen nescit homo, vtrum amore, aut odio dignus sit, sed omnia in futurum seruantur incertæ.] Munditiam, & mentis puritatem astruit, sed certam puritatis cognitionem negat: Quam quidem possumus quibusdam conjecturis venari, non tamen in fallibili notione apprehendere, (Deo minime reuelante) quoniam ex multis, quibus aliquid falsum subesse potest, putâ ex eo quod bene sacramentum receperim, aut sufficienter me disposuerim, aut ex aliis similibus, hæc gratia cognitione dependet. Rursum Ecclesiasticus: De propitiatio peccato, noli esse sine me, quia videlicet, an sit propitiatum, tibi que dimissum, ignoras. Et simplex, ac rectus Job. Si iustificare me volero, os meum condemnabit me: si innocentiam ostendero, prauum me comprobabit, etiamsi simplex fuero, hoc ipsum ignorabit anima mea.] Quem locum ita interpretatur Gregorius. Sæpe dum nosmetipso plus iusto discutimus, de ipso discretionis studio indiscretius erramus, & mentis nostræ acies, quod plus cetera nascitur, obscuratur. Quia & qui importunè solis radios aspicit, tenebrescit, & inde nihil videre compellitur, vnde videre amplius conatur. Quia igitur ab inquisitione nostra torpentes nos omnino nescimus, aut si subtili nos discussione requirimus, plerumque inter vita virtutisque caligamus, rectè nunc dicitur. Etiâsi simplex fuero, hoc ipsum ignorabit anima mea.] Ac si aperte diceretur, Conditoris contra me iudicis qua temeritate redarguo, qui ipsum me ex infirmitatis caligine ignorat. Hæc ergo vita spiritualis animæ, nō est nobis pariter ac vita naturalis comperta, cuius notio nè tot impedimenta, minus certam faciunt, tot dubitationes obscurant. Et quisque iustus potest sibi preicationem Davidis assumere: Delicta quis in-

Com. Tri-
den. off. 6.
c. 9. Ep. ca-
no. 1. 4. Ep.
15.

Prou. 20.
9.

Beda in
hunc lo-
cuso.

Mar. 5. 8.

Eccles. 9.
1.

Eccles. 5.
5.

Iob. 9. 26.

Greg. 8.
mor. c. 13.

telligi

Daniel.
13. 22.

Ephraim
de diuina
gratia.

3. Esthe.
6. 3.

Rom. 21.
34.

E

Psal. 18.
13.

telligit? Ab occultis meis munda me, & ab alienis
parce seruo tuus, quoniam ipsa, quæ nescimus, nos
sepe maculant, nisi Deus, qui occulorum est conditor,
quæ sibi dispergit, occulta deterget.

De sex indicis vita spiritualis.

CAPUT III.

LICET hoc ita sit, de gratia, ac vita spirituali animæ, nos omnino certos esse non posse, ea nimis certitudine, quæ aut evidens sit, ut scientia, vel ut fides diuinus indita nullam falsitatem admettatur: Non tamen sine testimonio reliquit amicos suos Deus, quibus declararet erga illos diuitias misericordia sua, ipsosque vitam spirituali habere sufficienter ostenderet. Sicut enim mulier illa à Ioanne in Apocalypsi conspecta, quæ sine dubio representabat Ecclesiam, erat amicta sole, & luna sub pedibus eius, & in capite eius corona stellarum duodecim: Ita gratia huius Ecclesiae vita, & veræ regina, origoque virtutum, non solum est diuina, quodam splendore circundata, & inconstantia humani cordis prælata, sed etiam duodecim coronata signis tamquam duodecim fulgentissimis gemmis, quorum lumine se homini ostentat, & an intus lateat in animo probabili quadam attestatione commóstratur. Liceat ergo nobis pro cōsolatione iustorum, & in gloriam huius præstantissime vitæ, qua viuimus, si forte visimus, & qua viuunt, quotquot iusti viuunt, tantisper immorari, & harum gemmarum ostendere pulchritudinem, sive horum signorum vim, & naturam exponere: ex quibus, an quis Deo viuat, an vero mortuus sit, possit capere coniecturam. Nec vero a proposito egredimur, dum ista indicia declaramus, quoniam, & gratia sunt, ac vita spiritualis effectus, & magnopere roboretur nos, ut hoc præstantissimum donum, quod nobis inesse ex huiusmodi indicis concitat, tota conatu atque diligentia seruemus. Meditabamur sanè, gratiam, quæ nos Deo gratos facit, Rationali summi sacerdotis sūisse signatum, neque hoc omnino dissidet à patrum sententiæ. Si enim rationale (vt putat Gregorius) munditiam cogitationum significat, quid prohibet ipsam munditiam, ac totius animæ nostra puritatem in illo intelligere, quæ minime ab ipsa gratia, & animæ vita secernitur. Optima quidem gratia, & vita spiritualis imago. Nam rationale, licet parvum, ceteris tamen (vt inquit Hieronymus) sacrati vestimentum, duplex erat, in mensuram palmi, ex auro & quatuor coloribus, hyacinto, & purpura, cocoque ^{binetum}, & bysso retorta cōtextum, atque à superhumerali depedatus, pectus sacerdotis, sedem scilicet cordis, operiebat, & exornabat. Nomina doctrina, & veritatis (vt inquit Augustinus, & Hugo Victorinus) in ipsa texture habebat descripta, & duodecim pretiosissimis gemmis, quatuor ordinibus dispositis ornabatur, quæ & duodecim Patriarcharum nomina præferabant, & eminus positis rationalis pulchritudinem ostendebant: Per quatuor annulos, quos habebat in angulis, superhumerali vita hyacinthina copulabatur, & ne diffueret iungebatur.

O pulcherrima gratia imago, o præclarissima vita spiritualis significatio! Gratia namque vestis sacerdotalis est, illorum nimis sacerdotum, ad quos loquebatur Petrus, dicens: Vos autem genus electum, regale sacerdotium, gens sancta, populus acquisitionis. Quibus enim illæ laudes cōueniunt, nisi iusti,

Apoc. 12.

13.

Gregor. in
psal. 2. p.
c. 2.Exod. 28.
15.
Hierony.Augu. 99.
in Exod.
9.Hugo an-
non. in Exo-
dum.

2. Petr. 2.

9.

A & amicis Dei. Hi electi sunt, quia ad æternam hæreditatem vocati, reges, & sacerdotes sūt, qui propriis affectibus imperant, & Deo se totos in odorem suavitatis offerunt. Sancti sunt, quoniam mundi, & immaculati per gratiam, & populus acquisitionis, quia magno sanguinis Christi prelio redempti. Gratia quoque modica est, quod ad externam speciem attinet, sed magna virtute. Nam sicut granum sinapis, minimum quidem est omnibus seminibus, cū autem creuerit, maius est omnibus oleribus: Ita hoc donum præstantissimum, parvulum est, id est, amore humiliatis exigū, sed cum crescit, & se in virtutes, ac bona actiones dilatat, omnibus donis naturalibus inuenitur superius. Duplex etiam est, quia beneficio virtutum ab ipsa permanant, internas animæ vires moderatur, & corporis sēlus, actionesque dispunit. In mensuram palmi distenditur, quod (ut notat Beda) distensione manus, & digitorum conficitur, quia ad sui conuersationem, & augmentum, nō animum oscitantem, & tepiditatem contractum, sed conatum infatigabilem, ac diligētiām pīe intentionis requirit. Quare autem ex auro, & quatuor coloribus texitur? Nisi quia auri charitatis, ac quatuor virtutū moralium infusarum, prudentiæ, iustitiae, fortitudinis, & temperantiae, est ipsa principium! Et quam ob causam à superhumerali pendet, quod bonorum operum labore designat, nisi quia bonis operibus conservatur, & sine viuorū periculo casus exponitur? Sedem cordis, id est, vitæ naturalis domiciliū tegit, quoniam hæc vita spiritualis, vitæ ipsam naturalē, scilicet animam nostram informat. Vrim, & Thummim, hoc est, doctrina, & veritate depingitur, quia diuini luminis claritate, & omniū virtutum perfectione decoratur. In hoc igitur mystico rationali, quod animam nostram exornat, & idoneam reddit, ut ante diuinum conspectum appareat, duodecim signa probabilia, quibus mens nostra, an grata sit Deo, & vitam spiritualem possideat, valeat vt cumque cognoscere.

Primum lignum est, contritio vera, & efficax detestatio preteritorum peccatorum, cū scilicet terra cordis nostri abudantissimo imbre lachrymarum irrigatur, & amatissimis fletibus absorbetur. Sicut enim naturalis aqua fortes corporis lauit, ita aqua lachrymarum maculas mentis emundat, & iniquitatum nostrarum feciditatem astringit. Et quemadmodum ignis inundatione aquarum extinguitur, ita & peccatum lachrymis cōtritionis interit. Vnde Chrysostomus. Rogum peccatorum extingimus, nō iam aquis multis, sed parvus cum lachrymis, multus enim peccati ignis, atq; modica extinguit eum lachryma, nā lachryma, fratres, rogum extinguit peccatorum. Si itaque hoc odium peccatorum habes, hunc dolorem experiris, hoc imbre largissimo lachrymarum cor tuum irrigari animaduertis, non temerari opinaris te à peccatis eratum, & gratiam, ac vitam anima sūisse consequutum. Est namque contritio illud labrum, encum, de speculis mulierum fabrefactū, & in introitu vita spiritualis collocatum, in quo est aqua doloris, ac lachrymarum, qua muleris, & speculum, id est, indicium aliquod, in quo tuam mundiam aspicias.

Secundum signum est, stabilis, ac firma voluntas non perpetrandi aliud graue peccatum, etiam si quis timeat, aut propriæ vitæ, aut omnium rerū creaturarum iacturam. Sienim (vt inquit Iohannes Apostolus) omnis, qui in Christo manet, non peccat. Non solū ex eo quod vitat omne peccatum exteriorum, verū etiā quia nō admittit, quatenus in Deo manet, peccandi voluntat, qui huius particeps est firmissime voluntatis

Matt. 13.
31.Beda in
Exod. ca.
28.Chrys. ho.
5. de pa-
nit.Exod. 39.
8.1. Ioh.
3. 6.